

docriver 文川网  
古籍书城  
入驻商家  
在文川网搜索古籍书城 获取更多电子书

中國方志叢書·華中地方·第四八四號

據 明·徐獻忠撰  
明嘉靖三十九年刊本 影印

浙江省

# 吳興掌故集

(一)

成文出版社有限公司印行



中國方志叢書·華中地方·第四八四號

據 明·徐獻忠撰  
明嘉靖三十九年刊本 影印

浙江省

# 吳興掌故集



成文出版社有限公司印行



\*10101946\*

中華民國七十二年三月臺一版

吳興掌故集

共二冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第二四三號

docsriver 文川网  
入驻商家 古籍书城

在文川网搜索古籍书城 获取更多电子书

刻吳興掌故集序

予友徐右伯臣遊於吳興愛其俗  
而厚因結廬九霞山居焉頃作掌故集  
若干卷寄予武林大都采拾湖誌所遺  
在正史諸子集可稽證郡邑事者錄存  
之如漢人載籍功令悉屬之文學掌故  
云至論水利田賦利病所繇併興除大



要輒附己意見言壘壘獨詳予蓋喟然  
悲傷其志焉徐君少有奇抱固欲起而  
建功名以顯於世乃其時命鬱塞久之  
弗克振晚就一縣令亦竟不合棄去今  
老矣先是徐君尊公歿卜葬吳興今其  
言曰先子杯土所存吾無以補助湖人  
願紓紀事日取閱之嗟乎徐君不能忘

湖人詎能忘斯世哉君子遇時而興於  
位可以深長思矣予以為是集有可裨  
湖政者乃題其篇端檄郡守張君刻之  
嘉靖庚申陽月旣望浙江按察司提督  
學校副使吳郡范惟一書

--	--	--	--	--	--	--	--



讀吳興掌故書

松頓首再拜

長谷先生足下比日讀公所撰吳興掌故  
采摭亡佚補綴漏遺整齊故事足備考鏡  
詳矣備矣甚盛至水利一帙尤有功蘇常  
松秀數州之人奚啻吳興而已竊感昔  
人謂三代而上生民之命制於君三代  
而下生民之命制於天蓋嘗有味其言

時詠歎之然即近所睹觀又不謂然知  
特憤世感事語爾何者今上流天目諸  
山洪水時發加積陰恒雨連數月不休  
則天似亦有所不能矣此其命豈不在  
吾

君乎碩法雖嘗置道然勢掣體降積漸  
輕兼又止轄浙不及吳矧䟽滄排決功全  
在吳下流沛則上流注灼然明矣今之世

誠有意斯民爲 國家久遠計請改 勅離  
法察院留上供錢穀數十萬募民及給緣湖  
若浦田戶食考古宜今務成永利期三年事  
竟乃得代而勿爲浮言勢力所撓奪著在令  
甲以爲常庶幾察史奉

朝令以專行臬臣假臺力而共濟公意以謂  
如何又他日竊睹野記載元至正間張士誠嘗  
下是州僭改元而以其壻潘元明爲左丞鎮之


其後王師攻之弗克至用奇兵由湖大錢港  
昆山溪入郡城元明被執伏誅如此則前港  
若溪之關繫湖郡利害不細矣不知可因以  
設險控扼如古浮梁橫絕之制否或者別有  
津要弗趨此亦可講求而豫待乎今狗鼠  
輩所在是湖尤藪窟出無時弗易譏察試  
與守若令之哲且達者商而廣焉是亦或  
一道矣簿牒叢委語不成倫何日南游得

率匪語四風便希裁教華幸甚甚松

...

...

...



吳興掌故集引

余自嘉靖丁亥遊於吳興樂其土風晏然  
安之也爲作掌故集自正史至稗子諸書  
與舊錄所具或至放失及余膚臆之見凡  
可備誌家之采拾者咸錄焉吳興在澤國  
上游其俗素樸厚絕無技巧淫靡之習自  
漢以來流寓及宋南渡諸賢類多居此蓋  
有自也夫其本俗儉嗇加以君子之遺風

故至於今以尚禮節稱焉顧余以筆札之  
役自效其私而衰遲湔薄實多慙負聊附  
於野史之家而已山空日末灌園采藥之  
暇以其成錄對之几案千數百年故實一  
舉目可盡則固山家一種樂事也因序而  
藏焉雲間徐獻忠識



吳興掌故集目錄

宦業 一卷

鄉賢 一卷

遊寓 一卷

著述 一卷

金石刻 一卷

文苑 上下二卷

名園 一卷



docsriver 文川网  
入驻商家 古籍书城

在文川网搜索古籍书城 获取更多电子书

古蹟 一卷

山墟 一卷

水利 一卷

風土 一卷

物產 一卷

雜攷 四卷

掌故集目錄

吳興掌故集卷之一

曹氏

曹氏

九靈山長徐獻忠輯

丹陽後學荆文炤校正

太倉後學張節同校

宦業類

吳興自昔爲名郡邑賢者樂遊其地自  
媿晉以後仕者或志慕閒散往往請乞  
於此志載不深攷索或僅列名職而政

行不及或併其名不載蓋自吳萬或而下四十有二人焉予所聞見尚有關畧仍不能無望於博雅君子云

吳萬或爲烏程令與孫皓相善時國內欲立長君或遂稱皓才識明斷是長沙桓王之儔又加之好學奉遵法度屢言之於丞相濮陽興及左將軍張布立之皓立後以或爲丞相吳孫河爲烏程長邑人吳粲爲小吏河深

竒之後河為將軍得自選長吏因奏樂  
為曲阿丞

陸璣為吳太子中庶子任烏程令嘗撰毛

詩草木鳥獸蟲魚疏二卷

見崇文  
摠目

館閣書目載璣字元恪吳郡人其書但  
附詩釋義窘於采拾似非通儒

晉張茂會稽人為吳興太守值王敦問鼎  
執正不移敦遣沈充攻城殺之先是茂

夢大象以問萬推推曰君當以大郡而  
不能善夫象者大獸獸者守也象必以  
齒焚其身

出異苑

茂妻陸氏吳郡人茂既被害陸氏念恨  
乃傾家資率茂部曲為先登以討充充  
敗乃詣闕上書謝茂不克之責詔褒茂  
夫妻忠烈並加封爵

出本傳

晉庾桓為吳興太守先是孫恩寇陷會稽

吳興人丘虺與胡桀郤驃共殺吳興太守謝邁以郡應恩謝琰高素討斬之并誅恩所署餘姚令郡人沈穆夫四年恩再陷會稽殺謝琰時庾桓繼守吳興恐郡民復從亂殺男女數千人以安之

晉許裴字季顯嘗爲烏程令

見世說新語方正篇許侍中註

宋丘靈鞠烏程人曾任烏程令

見第二卷鄉賢類



宋虞玩之字茂瑤會稽餘姚人少閑刀筆  
汎涉書史仕爲烏程令路太后外親朱  
仁彌犯罪玩之依法按正太后怨訴孝  
武坐免官

宋周嶠汝南人任吳興太守

元嘉中吳興人卜天與爲左細仗主廣  
威將軍死於元兗劭之難郡人沈慶之  
佐武陵王駿討劭誅之先是劭加嶠爲

冠軍將軍時王誕起兵會稽檄至吳興  
嶠回惑不知所從府司馬丘珍孫殺之  
舉郡應誕

宋郗顒泰始中爲吳興太守時孝子錢延  
慶爲父報讐殺人自繫獄顒表於朝不  
加罪

宋王琨爲吳興太守因濮陽吳慶之有志  
節欲以爲功曹答曰走無人性情直以

明府見接以禮所以奔走歲時若欲見  
吏是畜魚於樹栖鳥於泉耳不辭而退  
琨追謝之望塵不及矣

宋沈文秀爲吳興太守

蒼梧王元徽四年蕭道成輔政沈攸之  
舉兵荊州時沈慶之之子文宿守吳興  
攸之宗族殺之以報慶之之怨

江秉之字玄叔濟陽考城人宋少帝時爲

烏程令以善政著名東土撰文釋傳於世

齊江祐字弘業濟陽考城人少爲明帝所親恩如兄弟明帝爲吳興守以祐爲郡丞

齊丘寂之仕故鄣縣令

寂之字惠玄烏程人年十七爲州西曹兼直主簿刺史王彧行夜還前驅已至

而寂之不肯開門曰不奉墨者或方於  
車中爲教然後開或歎曰不意鄧君章  
近在閣下即轉爲主簿後在故鄣專以  
廉潔御下於時丹徒令沈嶺之以清廉  
抵罪寂之聞之曰清吏真不可爲也政  
當在季孟之間

王或爲吳興刺史

見前丘寂  
之條內

齊袁彖永明中爲吳興太守御史中丞沈

深彈去之後至建武中彖從第 爲中  
丞到官數日奏彈深子績父在蹴白幘  
車免官禁錮

梁何敬叔爲長城令平居以廉稱忽榜門  
受餉得米二千斛他物稱是人多譏之  
有頃悉以貸貧民輸負租斗米尺帛皆

不留

此一  
條已見志

梁褚灃字士洋由曲阿令歷晉安王中錄

docsriver 文川网  
入驻商家 古籍书城

在文川网搜索古籍书城 获取更多电子书

事正員郎烏程令兄游亡即棄縣還爲  
太尉屬澧之爲縣清慎可紀好學解音  
律重賓客

梁到仲舉字德言到彥之之孫洽之子也  
仕爲長城令政號廉平陳文帝居鄉里  
嘗詣仲舉時天陰雨仲舉獨坐齋內聞  
城外有簫鼓聲俄而帝至仲舉異之乃  
深自結帝又嘗飲夜宿仲舉帳中忽有



神光五采照於室內由是祗事益恭及  
侯景平文帝爲吳興太守以仲舉爲郡  
丞與潁川庾持俱爲帝賓客

庾持字元德少孤性至孝篤志好學仕爲  
尚書左戶郎陳文帝守吳興以爲郡丞  
陳陰鏗仕故鄞縣令

鏗罷故鄞詩見文苑上故鄞只今安吉  
孝豐地吳王昔采銅於鄞山